

Transkription von Urkunde HAL 1400a

Ort, Datierung: Halle, 1400-02-24

Signatur: Universitäts- und Landesbibliothek Halle, le, Yla 33

We henningh vn(de) Werner van odberenshusen . knappen vn(de) brodere . Jchtes [...] / werners Sone
va(n) odbere(n)shusen deme god gnedich sy bekenne(n) vn(de) betûghen Jn desse(m) / breue . vor alle
den jennen de dene Sen odder hōren lesen . dat we mit gantzem guden / willen vn(de) mit
wolbedachtem mûde . hebben ghedan vn(de) dūn vnse mōlen to veyen=/ vōrsteloe . ludeken de jchtes
[..] was mūller to hoener . Mit aller tobehoringhe / also dat he de mōlen būwen wel van van nye vp .
vn(de) van der suluen mōlen behal / vns eder vnsen erue(n) de sulue ludeke eder sine eruen gheue(n)
alle jar to tintze vo(n) alle(n) / vnse plicht de we dar ane hebben twe m(ar)k vn(de) ses scilli(n)ghe
lu(n)eborghe(n) pen(n)inghe . Vort=/mer So hebbe we vorbenōmeden . hen(n)ingh vn(de) werner . van
vnser vn(de) van vnser erue(n) / weghene de nu sint vn(de) noch to komen mōghen . den
vorescreuene(n) . ludeken vn(de) sinen / de genade ghe geuen an der vorscreuene(n) mōlen to
veyenvōrsteloe . vmme eres arbeides / vn(de) koste willen . dese an deme [...]ghen vn(de) legghen
willen . Weret dat se ichtes wa(n)ne / der molen aue ghan wolden eder scholen ¹ we hir dar negest
denne der mōlen. vnder wi(n)den wolde / de schole deme vorescreuene(n) ludeken eder sinen erue(n) .
vor ere koste vn(de) arbeyt gheue(n) / Teyn m(ar)k lūneborgher pe(n)ninghe . Odder den ghenen de
eren willen dar vmme maken . vn(de) ob also / de vorebenōmende ludeke vn(de) sine(n) eruen hebben
ghetûghet vn(de) ghekoft twene nye / Steene . To der vorbenōmeden molen Wan se der mōlen aue
ginghen wes de stene de(n)ne / wert weren . dat scholde se jūm ² de denne vore ghelden de sik der
molen vndervīnde / vnde des scholden se to beident syden [...] ver mannen bliuen . dat alle desse
vorscreuene(n) / stūkke var vns vorebenōmeden hen(n)ingh vn(de) werner . vn(de) van vnser erue(n)
weghene . [...] / So hebbe we vnsejnghezeghele witliken vn(de) mit willen ghehenghet laten an dessen
breff . De ghe gheuen vn(de) ghe screuen . Na der bort goddes verteynhundert jaer / jn dem hilghen
daghe Sunte mathyses des hilghes apostoles

¹ **eder scholen** nachträglich übergeschrieben

² **ihm**